

跡給無御出、今日始有此儀、

〔百練抄十三後堀河〕安貞元年嘉祿三年十月廿日改元、依疱瘡也、

○今按ズルニ、此ノ時ノ疱瘡、帝王編年記ニハ、赤斑瘡トアリ、

〔吾妻鏡三十〕嘉禎元年十月廿八日丁巳、自去夜主上疱瘡御不豫、凡此事洛湯流布諸人不免云云、

十二月十八日丙午、將軍家經御不例事、御疱瘡有出現氣之由、良基朝臣申之、今夜又始行御祈禱

等、及子刻平左衛門尉盛綱、爲武州御使參御所申云、每日可被修御招魂祭之由云云、仍先七箇夜可

奉仕之旨、被仰國繼云云、

〔吾妻鏡三十一〕嘉禎二年正月十七日乙亥、將軍家依御疱瘡餘氣、御股御膝、腫物號押領使廿餘箇處令出

給、今日女房石山局、召良基朝臣、可爲何様御事哉之由、被仰合、不可有殊御事云云、聊奉加療治、

〔百練抄十五後嵯峨〕寛元元年五月十九日甲午、奉幣兩社石賀被謝申行幸延引事、近日疱瘡滋蔓、小兒等有

此事云々、

〔後愚昧記〕康安元年正月十八日、新院光御惱爲御疱瘡、由醫師和氣廣成朝臣定申、廿六日、新院

御惱增氣、施藥院使篤永朝臣、以柚針奉破痘間、内攻云、

〔皇年代私記〕北朝康安元年○南朝正平十六年三月廿九日改元、依疾疫、疱瘡、天災、兵革等也、

文中三年、自正月至二月、疱瘡流行、

〔後深心院關白記〕永和三年十月廿一日丙寅、此兩三日、御不豫云々、篤直卿、賴景、兼康、廣成等朝臣、應

召御疱瘡序分歟之由、篤直申之云々、十一月廿一日丙申、禁裏御疱瘡已御滅之間、御湯可爲近日

之由御沙汰、然而日次事、猶不決云々、

〔立川寺年代記〕享德元年壬申、此年京洛小兒イモヤミシテ多死、同北陸道癸酉翌年マデ小兒イモヤ

ミシテ多死、